

辨證奇聞卷十

太醫院院使鏡湖氏錢 松著

外科

背癰門

人有背心間先發紅癩後漸漸紅腫此發背之兆也最爲可畏古人云外大如豆內大如拳外大如拳內大如盤言其外小而內實大也然而癰疽等毒必須辨其陰陽有先陰而變陽者有先陽而變陰者有前後俱陽者有前後俱陰者陽症雖重而實輕陰症雖輕而實重先陰而變陽者生先陽而變陰者死病既殊而何以辨之也陽症之形必



高突而腫起陰症之形必低平而陷下陽症之色必純紅
陰症之色必帶黑陽症之初起必疼陰症之初起必癢陽
症之潰爛必多其癢陰症之潰爛必多其血陽症之收口
身必輕爽陰症之收口身必沉重至於變陰變陽亦以此
消息斷斷不差也倘見紅腫而高突乃陽症之癰也乘其
內毒初發內猶未化急以散毒之藥治之可隨手而解也
發背而至於橫決者皆因循失治以致於破敗而不可

陽變陰者多矣救癰如救火宜一時撲滅否則沿燒屋廬
不盡不止切勿見爲陽症無妨而輕緩治之也方用急

湯忍冬藤二兩 茜草三錢 紫花地丁一兩 甘菊花三錢

貝母二錢 黃栢一錢 天花粉二錢 桔梗二錢 生甘草二錢

水煎服一劑輕二劑又輕三劑全消不必四劑也此方消陽毒之初起最神既無迅烈之虞大有和解之妙世人不知治法謂陽毒易於祛除孟浪用狼虎之藥雖毒幸消散而真氣耗散於無形往往變成別病乃醫者成之也何若此方王霸並施有益無損之爲妙哉

人有背心發癩癢甚已而背如山重隱隱發紅暈如盤之大此陰癰初起之形象也最爲可畏尤非前症陽癰可比乃一生罪孽鬼崇憑身必然讖語胡言將夙昔欺心之事盡情宣揚如見此等症候本不可救然而人心善惡成於



一念之遷悔苟肯悔過求生而刀圭無術亦見醫道之無
奇矣蓋陽症有可死之條而陰症豈無可生之理亦在救
之得法耳大約陰癰之症雖成如鬼祟之纏身然必正氣
大虛邪得而入之也設正氣不虛邪將安入故救陰癰之
症必須大用補氣血之藥而佐之散鬱散毒之品則正旺
而邪自散矣方用變陽湯 人參二錢 金銀花 牛斤 附子
一錢 荆芥炒黑 三錢 柴胡 二錢 白芍 二兩 天花粉 五錢 生
甘草 五錢 水十餘碗煎汁二碗先服一碗後再服一碗服
後陰必變陽而作痛再用一劑而痛亦消再服一劑而全
愈竟消滅於無形也然而世人不至皮破血出斷不肯信

誰能先用此等之藥以治發背之陰癰乎毋論病人不肯服即醫生亦不肯用或醫生知用此治療而病人之家亦不肯信往往決裂潰爛瘡口至如碗之大而不可收拾始追悔參芪之遲用晚矣余所以既論此證而又多戒辭勸人早服此方而萬不觀望狐疑以喪人性命蓋陽毒可用攻毒之劑而陰毒必須用補正之味方用人參黃芪以補氣者氣旺則幽陰之毒不敢入心肺之間而金銀花性補善解陰毒得參芪而其功益大然非得附子則不能直入陰毒之中而又出於陰毒之外毒深者害深又益之生甘草以解其餘毒然而毒結於背者以氣血之壅也壅極者

鬱極也故加柴胡荆芥白芍天花之類消其痰而通其滯
開其鬱而引其經自然氣宣而血活痰散而毒消也
人有背癰潰爛洞見肺腑瘡口黑陷身不能臥口渴思飲
人以爲陽疽之敗壞也誰知是陰虛而不能變陽乎夫背
癰雖有陰陽之分及至潰濃之後宜補內而不宜消則陰
陽之症一也潰爛而至於肺腑之皆見此從前失補之故
使毒過於沿燒將好肉盡化爲淤肉耳肉淤自必成腐肉
腐自必洞見底裏見此等症候亦九死一生之兆也倘胃
氣健而能食者猶可救療倘見食則惡者斷無生理雖然
能用參芪歸地亦往往有生者正不可棄之而不救也方

用轉敗湯 救之人參 一錢 黃芪 一兩 熟地 二兩 肉桂 二

錢 白木 四兩 當歸 一兩 金銀花 四兩 麥冬 二兩 山菜英 一

兩 遠志 三錢 北五味子 一錢 茯苓 三錢 水煎服 一劑而

氣大開者斷可轉敗為功也倘飲之而少能健飯亦必可

救惟恐飲之而查無應驗者是胃氣將絕也不必再治之

矣或飲之而飽悶少頃而少安者亦有生機此方補其氣

血而更補其肺腎之陰蓋陰生則陽長陰陽主長則有根

易於接續而後以金銀花解其餘毒則毒散而血生血生

而肉長肉長而皮合必至之勢也倘日以解毒為事絕不

去補氣血之陰陽則陰毒不能變陽有死而已矣不重可



悲悼乎

人有昔癰將愈而瘡口不收百藥敷之絕無一驗人以為
餘毒之未淨也孰知是陰虛而不能濟陽乎夫癰疽初起
則毒盛變濃則毒衰濃淨則毒化矣瘡口不收乃陰氣之
虛而非毒氣之旺世人不知治法尙以敗毒之藥攻之是
已虛而益虛也欲其肌肉之長何可得乎然而世亦有用
補法而仍然未效者但用陽分之品以補其陽而不用陰
分之味以補其陰也蓋獨陰不長而獨陽亦不生癰疽致
濃血已盡則陰必大虛止補其陽則陽旺陰虛不能交於
陽而濟陽有濟陰之心而陰無濟陽之力所以愈補陽而

陰愈虛陰愈虛而瘡口愈難合也治之法必須大補其陰
使陰精盛滿自能灌注於瘡口之中不必用生肌外傳之
藥而瘡口之內内生矣方用生膚散 麥冬一兩 熟地二
兩 山茱萸一兩 人參一錢 肉桂一錢 當歸一兩 忍冬藤一
兩 白朮五錢 水煎服二劑而內肉自長又二劑而外口自
平又二劑全愈此方補陰之藥多於補陽使陰勝於陽也
然而補陽之藥仍是補陰之助以其能入於陰之中以交
於陽之內也忍冬藤非恃其解餘剩之毒取其能領諸藥
至於瘡口之間也

人有背疽長肉瘡口已平忽然開烈流水人以爲瘡口之

肉未堅也誰知是色慾惱怒之不謹乎大凡瘡癰之症最忌者色慾其次忌惱怒也如惱怒者新肉有開裂之虞犯色慾者新肉有流水之害然此猶些小之瘡癰也其在背癰犯惱怒者不過疾病而犯色慾者多致死亡其瘡口開裂之處必然色變紫黑而流水之處必然肉變敗壞矣當此之時必須急補氣血萬不可仍治其毒蓋前毒未淨斷難收口既經收口復至腐壞實新肉不堅而自求決裂也況發背新愈之後其精神氣血盡是空虛所以一交合泄精遂至變出非常舍補氣血又安求再活乎然而即補氣血以些小之劑欲收危亂之功大憂傾頽豈一本能支哉

故又必須大劑救之而後可方用定變回生湯 人參一

錢 黃芪三兩 當歸 兩 北五味 二錢 麥冬 二兩 肉桂 二錢

白朮 二兩 山茱萸 五錢 忍冬藤 二兩 茯苓 一兩 水煎服一

劑而肉不腐矣二劑而肉自生矣三劑而皮仍合矣四劑

而平復切戒再犯再犯無不死自即再服此方無益也

不慎乎此方實救瘡瘍壞症之仙丹不止瘰癧發背愈後犯

色之敗腐也人疑泄精以至決壞宜用熟地以大補之何

故反置而不用以熟地補陰最緩而症犯實急所以舍熟

地而多用氣血之藥救其垂危非熟地之不可用而輕置

之也此方服數劑之後正宜減半而多加熟地以爲善後

之計耳

人有夏月生背癰瘡口不起脉大而無力發熱作渴自汗盜汗用參芪大補之劑益加手足逆冷大便不實喘促嘔吐人以火毒大盛也誰知是元氣太虛補不足以濟之乎夫癰分陰陽瘡口不起乃陰症而非陽症也脉大似乎陽症大而無力非陰而何發熱作渴此水不足以濟火故隨飲隨汗也既是陰症似陽用參芪陽藥以助其陽正足以祛陰以返陽矣何以愈補而反作逆冷嘔吐之狀此陰寒之氣甚盛而微陽之品力不能勝耳非助之以附子辛熱之品又何能斬關入陣以祛蕩蕩助其前方用助陽消毒

湯 人參 一兩 黃芪 一斤 當歸 四兩 白朮 四兩 陳皮 一兩

附子 五錢 水煎膏作二服 諸症頓退 連服數劑 瘡起而潰

乃滅 牛又用數劑而愈 此非治癰之法也 然以治癰之法

而輕治此等之症 鮮不立亡 可見治癰不可執之 大約陽

癰可以消毒 化癰之藥治之 而陰癰之病 萬不可用消毒

化癰之藥 舍癰從症 實治癰之變法 醫者不可不知也

人有背生癰疽 潰膿之後 或發熱 或惡寒 或作痛 或膿多

或流清水 自汗盜汗 膿成而不潰 口爛而不收 人以爲毒

氣之未淨也 誰知五藏虧損 血氣大虛之故也 凡人氣血

壯盛 陰陽和平 何能生毒 雄其臟腑內損 而後毒氣得以

內藏久之外泄及至癰疽發出其毒自不留內然而臟腑
 原虛又加流濃流血則已虛益虛觀其外而瘡口未效似
 乎有餘審其內而氣血未生實為不足法當全補而不必
 偏補夫一臟致有偏勝之虛也方用十全大補湯最妙以
 其合氣血而兩補之耳然而用之往往不效者非方之不
 佳乃用方之不得其法耳夫背癰何等之症豈尋常細小
 之劑所能補之乎必須多加其分兩大劑煎飲始克有濟
 余因酌定一方以請正於同人也用 人參 一錢 黃芪 二
 兩 白芍 五錢 肉桂 二錢 川芎 三錢 熟地 二兩 當歸 一兩 白
 朮 五錢 茯苓 五錢 生甘草 三錢 水煎服自然用一劑有

劑之效也世疑此方絕不敗毒如何毒化而生肉也不成癰疽未潰之前以化毒爲先癰疽已潰之後以補正爲而縱有餘毒未淨不必敗毒也蓋敗毒之藥非寒涼之品卽消耗之味也消耗則損人真氣寒涼則傷人胃氣真氣損則邪氣反盛胃氣傷則穀氣全無又何能生肌長肉哉惟一全大補湯專去助真氣以益胃氣故能收全效耳且此方不特治背癰之已潰也凡瘡瘍已潰者皆宜用之惜世人未知也

肺癰門

人有胸膈之間作痛咳嗽之時更加痛極手按痛處尤增

氣急人以爲肺經生癰也誰知是肺熱以成癰乎夫肺氣
 嬌藏藥倉之所不到者也故治肺甚難肝熱害肺既已成
 癰將何法以療之乎療之法似宜瀉火以救肺肺藥不可
 入而肺之母爲脾脾經未嘗不受藥也肺之仇爲肝肺之
 敵爲心二經又未嘗不受藥也補其脾經之士則士能生
 金也平其肝經之木則金不能尅木也清其心經之火則
 火不來刑金也三經皆有益於肺而無損於金則肺氣得
 養而後以消毒之品直解肺中之邪何癰之不散乎方用
 全腫湯 立參 三兩 生甘草 五錢 金銀花 五兩 天花粉 三
 錢 茯苓 三錢 白芍 三錢 麥冬 二兩 水煎服一劑而痛減再

劑而內消矣大凡肺癰之症必須內消而不可令其出毒
內消之法總不能久脾肝心三經治法而別求消癰之道
也或曰肺之子腎也獨不可治腎以消乎然而肺癰之成
雖成於火爍肺金之液實因肺氣之白虛也補腎雖亦能
使肺氣之不來生腎惟是肺腎相通補腎之水恐肺氣不
降而火毒轉不肯遽散不若止治三經使肺氣得養自化
其毒不遺於腎之爲妙也

人有胸膈作痛咳嗽吐痰更加疼甚手按痛處疼不可忍
咽喉之間先聞腥臭之氣隨吐膿血此肺癰不獨已成而
且已破矣夫肺癰未破者易乎消而已破者難於治以膿